

欽定剿平三省邪匪方略

欽定剿平三省邪匪方略正編卷一百九十八

庚申

八月十四日

甲子

明亮奏言查徐逆賊衆自剿敗

後晝夜狂奔向遠安屬之石馬槽一帶分投亂

竄該處西南白虎頭巡檢司等處係入川之路

東南當陽遠安東湖亦通四川恐該匪被剿情

急奔回川境

臣

卽由巡檢司兜截前進初二日

行抵青龍崗據長探報稱賊衆大隊在大雙坪

小雙坪一帶散漫屯紮離營尙隔四十餘里
得捷徑由紅岩寨翻山進兵可近二十餘里
正在籌布進剿間適值孫清元德昌等自遠安截
賊前來會合當卽議定五鼓發兵孫清元德昌
等由洋坪蔡家灣進兵以截賊由蕭家壩旁竄
之路臣卽由紅岩寨進剿惟該處羊腸一線亂
石層疊官兵魚貫而入及馬隊方過紅岩寨遙

見賊匪在雙坪蜂屯蟻聚已分股至臣後路去

大隊賊衆卽由雙坪北竄蕭家壩臣察看山勢

雖險但處處有路可通當派守備陳應彪千總

啟祥把總伊凌阿等帶領鄉勇擇要埋伏一面

飛飭巴圖魯侍衛富翰培津保江鼎雙福等帶

領馬兵追趕騎馬賊匪後派侍衛恒坤副將樊

雄楚等帶領步兵直撲大隊賊衆該逆等始猶

搖旗吶喊分投抗拒一見富翰等馳射仰攻搶
上山梁該匪等措手不及箭斃賊匪百餘名賊
卽遁逃由廻隆觀山寨繞至臣後路臣所帶官

兵尙有大半未過紅岩寨誠恐腹背受敵反墮

賊人奸計臣卽由原路折回接應適值兩路賊

衆均已抄近山寨居民驚恐將山腰寨門關閉

臣傳喚該處首領逐加撫慰告知大隊官兵在

此該首領等立開寨門

臣

迅速帶兵轉回正值

馬步賊衆衝至欲奪鍋帳驛馱當卽督率副將

王懋賞參將楊安遊擊承祿胥泗起三福等帶

領廣東廣西宜昌河南各隊官兵鎗礮齊發富

翰等緊追馳射攪殺一處共斃賊六百餘人復

追過兩重大山候補守備皂保衝入賊隊身受

矛傷陣亡該匪奔及山坳經前派守備陳應彪

等伏兵齊出擊殺甚多該匪大半拋棄騾馬器械翻山潛逃生擒萬朝俸等男婦一百八十五名口正在催兵進剿忽聞前面蔡家灣鎗礮聲急上飛飭富翰等由左首大山梁趕赴孫清元德昌等一路接應復派守備王占鰲千總楊存福帶領馬兵四十名步兵五百名由右首山梁前往協剿適孫清元德昌等帶兵由洋坪至蔡

家灣突遇馬步賊匪千餘名由溝中衝出復見
馬步賊衆二千餘名由蔡家灣右首山崗壓下
該鎮等同遊擊全祿孫應奉常德都司毛秉剛
姜元祥胡俊鴻守備孫鈺金洪嗣等各帶兵勇
奮力攻擊該匪竭力抵禦仍敢撲壓數次富翰
王占鰲等兩路馬步官兵趕到協力攻剿賊卽
大敗追擊三十餘里共斃賊四百餘名生擒活

賊五十三名餘匪四散奔逃把總麻光裕生擒
偽先鋒廖黑兒一名沿途搜獲徐世萬等四十
一名賊匪亡命奔逃一路拋棄婦女包裹驟馬
甚多時已向晚卽將官兵暫紮查訊廖黑兒身
受箭傷四處甚重業經垂斃惟自認先鋒不諱
當將該犯立行寸磔復訊據萬朝俸供稱籍隸
四川麻柳場起事卽隨同徐添德殺人放火當

探馬頭目徐添德本有三弟兄徐二掌櫃已死
現有徐三不知名字在營管事徐添德並無親
生之子有姪徐大用卽係徐三之子我今日同
在一處打仗見伊被官兵在山溝內殺死又有
探馬頭目苟方志于榮貴均被官兵殺死現在
張元帥徐三掌櫃是營內催兵打仗主帥自北
路總兵熊方青被官兵捉去後剩有南路總兵

何思學帶二千人西路總兵王青帶一千五百人東路總兵魏伊云帶一千五百人四路各有探馬七八十匹馬賊有千餘人今日又被官兵衝散牲口丟棄大半人多失散徐添德畏懼先遁入婦女大隊裡逃走聽說要回四川尋徐添德舊徒弟王登廷合夥再作計議等供當卽帶同萬朝俸至山溝內尋出徐大用首級並荷刀

志于榮貴屍身均各割下首級先後令拿獲賊
目逐一指認衆供確鑿當將該犯卽行斃割又
訊出張士舉等七十二名均係川中積賊概予
併誅其餘晨貴沈鄭氏等九十三名口均係南
漳宜城左右被擄人民隨卽交各寨首領分別
保釋胡兆熊等六十一名口籍隸均穀一帶路
途較遠發交隨營糧員蕭與潔訊明給予盤費

路票使各歸業查徐逆賊衆經官兵痛剿之後
不敢向白虎頭南竄仍由錚香坪折回北走竄
逃甚急不似從前到處擄掠焚劫且落後賊匪
並散出難民沿途日多一日現飭孫清元德昌
等從陸坪轉灣頭一路兜截臣從石家坪觀音
堂跟蹤躡剿以收夾擊之效此次官兵打仗間
有傷亡容俟查明容部辦理奏入

上命軍機大臣傳諭明亮曰此次徐逆賊衆由雙坪
北竄蕭家壩明亮率領將弁等帶兵追剿擇要埋
伏殺賊六百餘人生擒賊目萬朝俸等孫清元德
昌一路在蔡家灣地方突遇馬步賊匪亦奮力攻
擊斃賊四百餘名將偽先鋒廖黑兒及徐世萬等
擒獲所辦尙好巴圖魯侍衛富翰塔津保江鼎雙
福等帶領馬兵馳射仰攻搶上山梁殲賊百餘名

復趕赴孫清元等一路與守備王占鰲協力攻剿
追擊三十餘里甚爲出力其生擒廖黑兒之把總
麻光裕亦屬奮勇俱著明亮於拏獲首逆徐添德
後一併奏請加恩彼時明亮自當逾格酬庸其富
翰等亦當一體加之陞賞並著明亮先行傳知俾
其益加鼓勵所有衝入賊隊受傷陣亡之候補守
備皂保著咨部賜卹至所奏訊據獲犯供稱徐添

德因官兵追殺緊急心存畏懼濶在婦女隊內逃
走一節究不可信徐添德爲著名首逆最爲狡猾
所稱潛行逃竄之處安知非其捏造別生詭計以
圖乘間他竄明亮務須留心體察確探踪跡必將
徐添德搜拏務獲再劉之協一犯解到後節經軍
機大臣會同刑部嚴加審訊其在湖北與齊王氏
姚之富等商同謀反各情節一一供認不諱業於

本日將該犯凌遲處死至徐添德雖係在川省首
先起事之犯與劉之協並未見面但徐添德爲教
匪著名逆首而劉之協糾結煽惑傳教有年徐添
德亦斷無不知其人之理並著明亮等將劉之協
就獲審明正法緣由徧爲曉示俾賊匪聞風畏懼
其黨與自當日就解散於剿捕不無裨益也

十五日

丑乙

上諭內閣曰豫省將劉之協擊獲解京令軍機大臣
會同刑部連日審訊業據將起意謀反各情節供
認確鑿昨廷訊後卽將該犯凌遲處死然辦理劉
之協之故並非因該犯係白蓮總教首遽加以極
刑也劉之協假白蓮教傳徒以根基錢打丹銀爲
名其初原不過斂財起見行之日久不能哄誘愚
民遂買王雙喜托名牛八指稱朱姓後代又將劉

松之子劉四兒托名彌勒佛轉世可以輔助牛八
希圖聳動衆人謀爲不軌其罪在此我朝

列祖

列宗厚澤深仁凡我編氓無不淪肌浹髓乃劉之協捏
稱明代後裔惑誘愚民有心謀逆實屬罪大惡極
從前拏獲劉松宋之清等破案時劉之協在扶溝
聞信脫逃蒙

皇考屢次嚴飭各省購緝原因劉之協係屬謀逆要犯
不可不迅速擒捕初不因其傳習白蓮教之故彼
時各省地方官未能仰體

皇考聖意竟以查拏教匪爲名四處搜求任聽胥役多
方勒索不論習教不習教只論給錢不給錢以致
含恨之人與習教者表裏勾結藉無可容身之窮
紛紛蠢動起於襄陽蔓延川陝迄今剿辦五年尙

稽薦事其實劉之協數年以來在鄧州新野地方
往來潛匿地方官並未能查察可見搜拏邪教大
率拖累無辜而實在叛逆首犯轉任其漏網多年
至於白蓮教名目由來已久卽據劉之協所誦經
文大意亦不過勸人爲善並無違悖字樣劉之協
罪犯寸磔在於打名牛八潛造逆謀孽由自作與
白蓮教無涉卽如賊匪中平日習白蓮教者固屬

不少然各省地棍鹽梟之類亦不一而足但經抗
拒官兵卽一律剪除罪在不赦其自賊營投出者
不下數萬人無不一體妥爲安置又何嘗跟究其
從前會否習教乎其從前與劉之協同教之人若
果能各安本分原可置之勿論卽失察劉之協地
方官朕尙加恩概免追問則凡平日與劉之協熟
識容留藏匿之人豈肯令地方官轉加究詰劉之

協係白蓮教內稔惡最久之人尙不肯因此稍有
株連况其同教中人數眾多焉有一一查究之理
總之現習白蓮教者安靜守法卽是良民地方官
無庸查拏若聚眾煽惑卽非素習白蓮教之人必
當按律懲治所有辦理劉之協原委及朕不加追
究白蓮教至意明白宣諭中外咸使聞知

臣
等謹案白蓮教之各自元明時已有之鄉

甲意愚易為所惑但止於持齋誦經苟無謀
為不軌情事亦何至罪在不赦劉之協以食
毛踐土之齊民托名朱姓後裔假稱彌勒佛
轉世其有心謀逆實為神人之所不容是以
逃竄逾時卒罹

天網顯道惟彰昭然不爽至尋常習染邪教之人原
不與大逆同科

皇上屢降諭旨曉示至明此次復將辨理劉之協原
委及不加追究至意

宣諭中外俾衆共知

仁育義正

天燾海涵不特使有恥且格者咸與惟新卽海隅蒼
生莫不聞而知感勉爲善良所謂經正民興
斯無邪慝也

十七日

卯

額勒登保長麟奏言查伍金柱等股

賊匪前經阿哈保穆克登布一路官兵剿潰後

尙有二千餘賊由太平河一路遁入老山當卽

飭令趕剿

臣

等亦卽整兵逼進途次接據楊遇

春裕布舍稟報該提督等帶兵趕剿冉學勝張

世龍股匪出白馬關後偵探該逆等先從白水

江西淺而過向沔畧地方逃竄相距已二百餘

里復據探報張添倫辛聰顏勝可魏棒棒宋麻
子并楊逆餘匪等合爲一股現在陽平關迤西
屯紮滋擾該提督等卽趕往剿辦臣額勒登保

查冉學勝張世龍賊股本係派楊遇春等就近
出成縣趕擊今該匪旣已先竄後追無及臣額

勒登保前因棧道太渠一帶已無賊匪早經咨
調恒瑞帶領馬步官兵從虞州一路前進以防

竄匪當一面飛咨恒瑞瀾其徑赴沔縣截剿張
母等賊一面卽飭楊遇春迎剿張添倫等股

臣

長麟帶同觀祥等暫駐白馬關以扼要路

臣

額

勒登保卽帶扎克塔爾慶成領兵由木瓜園鄧
子園自北向南前進以爲楊遇春一路策應初

四日探有賊匪從銀杏溝竄出

臣

額勒登保帶

兵卽由鄧子園翻山過郭家壩冒雨而進午後

將抵該處據差探兵丁報知派出躡探之守備
王兆龍猝遇賊探受傷賊匪已近在數十里內
卽督領馬步官兵分路馳擊賊匪漫山四竄當
查王兆龍被矛傷穿透右肩窩尙未殞命令赴
民寨暫息我兵追出二十餘里殺賊八十餘名
生擒十五名時已昏黑且雨大不能再進將活
賊訊知卽係顏勝可魏棒棒張添倫辛聰宋麻

子揚逆餘匪等股原欲由揚平關過江南竄開
伍金柱被官兵剿潰仍復折回因又遇楊遇春
等官兵剿殺故由銀杏溝一帶奔逃臣額勒登

保於初五日仍由線壩等處追剿此一帶老林
山路居多該匪等出沒箐林零星搜殺共有一

百餘人該匪等翻山越嶺徑趨白馬關臣長麟

探有信息親督官兵佔據茅垭子隘口并令

祥帶兵堵截賊又聞風扒越老林向黑馬關長
壩一帶而逸觀祥追及賊尾斃賊三十餘名孰
意是日該匪顏勝可等奔至大水溝適定住廣
厚之兵出仙人峽正與賊遇該匪等亦猝不及
防定住與廣厚分兵從大水溝兩山壓下殺賊
一百八十餘名生擒五十六名奪獲器械旗幟
二十餘件餘匪又向西北亂竄遁去

臣長麟恐

其繞竄成縣當卽起任迎剿並令觀祥緊跟追

擊

臣

額勒登保從兩河而進卽先派慶成帶兵

由拋沙河江洛壩一帶繞擊隨卽帶兵趕往成

縣之白家林與

臣

長麟會遇叠接楊遇春格布

舍等來信張添倫等餘黨三十初二等日總

在老山林內盤旋此一帶山勢甚大樹木叢密

楊遇春格布舍豐紳等連日率馬步兵勇截擊

每日斬獲一二百人不等旋卽北竄初三日覓
路而前緊追跟剿至申刻哨探又有一股賊匪
已至西山楓香溝石觀子溝一帶旁竄而來楊
遇春格布舍等驅兵迎擊我兵甫進石觀子溝
該匪等現屯聚兩山梁竟來撲壓官兵楊遇春
與格布舍豐紳率兵分路左右衝擊斃賊六七
十人賊匪稍形退却下溝折奔溝內樹林深密

楊遇春等隨探隨剿欲趕出峽溝以便痛擊而
路逕甚屬崎嶇將達溝口天色已晚乃賊匪又
在兩山梁排列吶喊直撲我軍楊遇春率領衆
兵搶擊賊匪恃其高據山險仍復喊聲不絕直
至格布舍帶領馬隊官兵抄在左山梁後鎗箭
並施豐紳又帶步兵竭力堵截賊匪始行畏懼
下奔楊遇春等於黑暗中率兵攪殺追出溝外

時已初更以後莫辨路徑山邊有草房數間祇
可令兵焚燒火光中得見山勢道路賊匪亦在
亂奔乘勢追殺一二里不能再向前進擊營露
處查有委護軍叅領英柱游擊姚士華守備鄧
文元千總張大陞額外外委樊忠王大用在黑
夜中與賊攪殺陣亡兵勇等亦有傷亡者次日
黎明於溝內溝外前後查看斃賊計有二百餘

人將獲賊嚴訊據供昨晚伍金柱率領賊眾抗拒官兵有稱已經鎗斃之語然無確據仍分兵四面搜山拏獲羅開允等三十餘人又僉稱伍元帥實在鎗斃亦未得其詳旋有自行投出王添五一人逐加訊問據供伍金柱有二十四五歲昨日伍金柱聞有官兵將襲脅之人及婦女安放溝外十餘里之山梁屯住自帶矛手千餘

人進溝堵截官兵伍並柱有弟伍三年約十八
九歲向亦不甚會事昨夜二更後伍三逃回說
伊哥哥小腹受鎗從膀後穿出扶掖走數十步
後倒地衆人擡到半坡氣絕伍三與梁三掌櫃
將其屍身帥旗送進空房燒化叫衆人向拜衆
人推梁三掌櫃掛帥我向在軍營當夫七月被
賊裹進押我背鍋我久不甘從賊知伍金柱已

死我乘空躲在樹林今日投出反復究問確鑿不移是伍金柱之死實屬可信又探得該匪餘黨從碾子壩草川等處向西逃遁此股本係阿哈保穆克登布桑吉斯塔爾等自箭桿山牛頭山一帶追來次日阿哈保等亦即趕到伊等沿途斬獲共有一百三十餘人與楊遇春晤面後業已帶兵分路追躡前進臣等查伍金柱最爲

卷之三十一 國朝通志卷之三十一

狡猾今已鎗斃稍紓憤恨各路均有斬獲賊勢亦日見消亡且伍逆已除餘黨甚爲窮迫卽各賊股聞之必更膽落臣等除將階州文縣西和之路仍交定住廣厚帶兵擇要堵禦截剿又有阿哈保穆克登布桑吉斯塔爾帶兵躡蹤兩面夾擊數日內可期洗蕩伍逆殘敗餘匪至張添倫等匪股數雖衆不過四五千入現竄成縣西

和界內派令楊遇春格布舍豐紳等帶兵卽赴

慶成一路會同剿辦臣等帶扎克塔爾等由成

徽一帶督率策應總期早完一日將甘境之賊

殲淨臣額勒登保仍卽帶兵前往西鄉督剿其

各路傷亡兵勇另行查明咨部辦理

額勒登保又奏言臣接准台布來信提督王文

雄在西鄉一路殺賊陣亡副將鮑貴不知下落

等語查打仗殺賊挫折亦所不免但王文雄於五月內冊報所帶之兵有二千四百餘名鄉勇二千七百餘名兵勇共有五千七百餘名又官弁數十員且此項兵勇均係該提督帶領有年並非新調新派且該提督於前此川省竄來賊匪龍紹周唐大信等剿殺叠經獲勝將餘匪逼歸川境臣方以該提督出力可恃何以遽遭毒

善當經札知台布就近詳晰查奏而賊勢既如
此鴟張冉張等逆又復接踵前去若非大員前
往不足以資剿辦恒瑞現赴沔縣臣於鄧子園

得信後卽飛咨恒瑞帶領原帶官弁兵勇四千
餘名由南鄭徑至西鄉剿辦并先派委員前往

管帶王文雄一路之兵勇猶恐恒瑞一人力量
尙單查現駐長寨之岱森保先染痢疾頗重近

雖據伊跟隨之人報知調治向愈尙不能行動

九十現在沔縣帶兵防堵臣卽派副都統綸布

春隨同恒瑞前去恒瑞本有馬隊卽可令綸布

春帶領以資得力又有馬玉魁所帶粵東兵一

千五百名現已到來足敷剿辦並札囑恒瑞總

不可使賊匪仍向西折竄至沔畧爲要再查賊

匪尙在西鄉一帶安知不又思越過漢江目下

秋水漲發漢江船隻早經札知地方官遠撤但
水勢消長無定防堵須嚴石泉一帶已有劉之

仁在彼防堵恐其力單

臣

調現駐棧道之關騰

帶原領兵一千餘名卽赴城洋一帶緊防北岸
務須與石泉聲勢聯絡不得使賊匪一名越過

江北再查楊遇春路出兩當據該處民人報稱
有數十人假充兵勇有時攜食有時尙放火殺

人看其形跡竟似賊匪楊遇春遂派遊擊張瑗
改裝帶領兵勇一百餘人均給予盤費令其密
行躡緝張瑗四處察訪於五郎地方得有蹤跡
張瑗先令鄉勇亦冒稱白蓮教與賊混在一處
講說始知係各賊股內餘匪隨處逗遛欲俟遇
有賊股再行合夥共有三十人前月二十二日
在大木耳溝適遇大雨該匪等悉在空房聚歇

張瑗密召所帶之人零星圍佈於二十三日黎明進殺當經殺賊二十人生擒楊兼熊三英等十人帶送軍營當經訊明均係真正教匪卽予正法

長麟又奏言

臣欽奉

上諭前次隴州紳士固勇等於張添倫等賊匪逼近渭河時將渡船悉數盡並於對河用礮轟擊賊匪

折向東竄令

臣

宜明出力人員具奏伏查隴州

本有團練鄉勇五千餘名本年六月經署隴州

蕭光浩將前項鄉勇在於渭河北岸分段設卡

防堵並將船隻盡行撤歸北岸六月十四五等

日高馬等逆先後竄至胡田馬頭上地方欲行

偷渡該署州聞信卽傳集文生員曹長庚義民

首王璋等帶領卡勇用鎗礮轟擊擊傷賊匪十

餘人賊始向東折回七月初一日賊匪探馬三十餘騎又至渭河南岸正在淌渡復經該署州飭令益生何炳章義民首吳有杰等率同鄉勇用鎗礮轟擊賊匪旋即折回所有生員曹長庚監生何炳章義民首王璋呂國棟孫士巧王恩馬龍吳有杰俱係首事出力之人應如何鼓勵之處伏候

聖裁至該署州蕭光浩一聞賊匪驟至卽親赴沿河
撤船集勇鼓勵紳民辦理尙屬妥協均奏入

上命軍機大臣傳諭額勒登保曰此次額勒登保分
飭格布舍豐紳楊遇春等分投截剿殺賊雖屬無
多然能將大股賊匪著名首惡伍金柱鎗斃且於
黑夜冒雨前進殲此渠魁額勒登保實屬調度得
宜深堪嘉獎著賞給鑲玉火鏃包鑰匙袋大小荷

包又發去翎管撥指各十件著額勒登保傳旨分
賞在事出力人員至格布舍帶領馬步官兵抄在
賊匪屯踞山梁之後鎗箭並施豐紳帶領步兵竭
力堵截賊匪始行畏懼下奔楊遇春於黑暗中率
兵攬殺復乘賊匪亂竄之時併力追剿俱屬奮勇
可嘉格布舍豐紳楊遇春俱著交部議敘以示獎
勵此時首逆伍金柱既已殲除餘黨甚爲窮蹙階

州一帶額勒登保現派定住廣厚帶兵擇要堵截
又有阿哈林穆克登布桑吉斯塔爾帶兵躡蹤兩
面夾擊務將伍逆殘潰餘匪悉數殲除不可又任
四散奔逃別滋勾結至張添倫辛聰宋麻子顏勝
可魏捧捧及楊逆餘匪額勒登保令楊遇春等會
同慶成剿辦勿令竄入東北所見甚是此股賊匪
不過四五千人間知伍金柱已經殲斃自必聞風

畏懼額勒登保務飭楊遇春等奮勇截擊加緊戒
功竚膺懋賞又據奏高二馬五戴家營及冉張等
逆現在西鄉一帶額勒登保飛咨恒瑞帶領官弁
兵勇四千餘名由南鄭徑赴西鄉又令關騰帶兵
一千名緊防漢江北岸不使賊匪一名越過江北
所辦悉中機宜又所稱岱森保本已年老又患病
未愈伊向係朕潛邸諳達素所深知與其留於軍

營不能得力莫若令回京調治以示朕始終保全
之意如病體業已就痊伊情愿帶兵出力卽仍留
軍營亦無不可又遊擊張瑗能將假充兵勇賊匪
捕獲十人並殺死賊匪二十人甚屬細心能事著
額勒登保存記俟再有出力之處卽行保奏陸用
又據長麟查奏前此擊退逼近渭河賊匪係署隴
州知州蕭光浩生員曹長庚等均屬出力著再交

額勒登保查明如異奮勉出力蕭光浩遇有陝甘
兩省直隸州知州缺出卽行奏補並先賞戴藍翎
共生員曹長庚監生何炳章俱著賞戴藍翎義民
首王璋呂國棟孫士巧王恩馬龍吳有杰酌賞八
九品頂戴以示鼓勵所有此次在石觀子溝山梁
打仗陣亡之委護軍叅領英柱遊擊姚士華守備
鄧文元千總張大陞額外外委樊忠王大用俱著

咨部賜卹

上又命軍機大臣傳諭恒瑞台布長齡曰額勒登保
奏冉學勝張世龍二逆接踵至陝已飛咨恒瑞統
領原帶官弁兵勇四千餘名卽由南鄭徑赴西鄉
剿辦等語高二馬五戴家管等股賊匪前此竄入
西鄉勢甚猖獗今冉張二逆又復相繼而至該處
情形甚關緊要現在長齡已帶吉林黑龍江官兵

一千五十名趕赴該處恒瑞惟當與長齡綸布春等并力剿捕若能於陝境剿竣固屬甚善否則逼入川北地方以便合兵剿辦斷不可令賊匪竄過漢江以北又入南山老林以致辦理棘手額勒登保未到陝省以前此一路打仗情形著恒瑞等隨時具奏至陝西西南兩面防堵事宜是台布專責該撫務當督率防範並將漢江船隻提至北岸勿

令賊匪一名偷渡此爲最要

欽定剿平三省邪匪方略正編卷一百九十九

庚申年

八月十九日

己巳

姜晟倭什布奏言查吉林黑龍

江頭起官兵四百五十名已於初十三日先

後行抵襄陽

臣

等當將應用馬匹鍋帳按名給

領並逐加獎賞此項勁旅以之馳射衝殺一可

當百前以川匪竄及房縣須兵堵剿

臣

倭什布

因未帶有官兵會經奏明卽於此四百五十名

勁兵內以吉林兵二百五十名赴明亮軍營其

黑龍江兵二百名臣倭什布帶赴房縣截剿青

號賊匪與孫清元等夾攻追擊連得勝仗該匪

自南漳折向均穀一帶狂奔疾竄俱向山徑樹

林散漫潛逃疊據臣等遣赴明亮軍營探差回

報官兵緊追截擊沿途殺斃賊匪及遺棄幼孩

甚多並有賊隊中老少男婦奔逃力竭或饑餓

不前或驢卧道左有經官兵射倒砍傷而尙存
氣息者向其詢問大半皆川省人自是賊匪真
正夥黨其近地被裹民人乘間逃出經各地方
官訊明資送回家者亦復不少賊勢實已萬分
窮蹙等語臣等思明亮一路此時追擒首逆正
在喫緊未便將其現帶之兵分出兼顧而川省
竄入房縣灣腰樹一股賊匪續接該縣稟報分

竄至縣屬之松香坪博磨坪一帶有東趨保康
之勢臣倭什布急須集兵往剿迫不及待而前

調副將滿倉所帶之兵因在鄖西防堵相距六
百餘里尙未趕到就近於襄鎮各營挑撥除留
防外只可湊集兵丁三百餘名若如前奏僅帶
黑龍江兵二百名合計馬步各隊不滿六百名
實屬不敷剿辦適接河南撫臣吳熊光兩次來

札商及後起吉林黑龍江各勁旅是否仍須全
數赴楚並云楚省若無須多兵到楚後亦可就
近赴陝臣等復從長計議現在房縣境內既需
兵力堵剿而川省寧巫一帶尙有賊股游奕亦
難保不窺伺楚境且據探報陝省賊匪竄及西
鄉縣界竊計後起勁旅若由豫入陝不能抄出
賊前應仍令全數來楚則現到之頭起勁兵臣

倭什布即可全行帶赴房縣剿辦其後起各兵
到來如青號賊匪尙未剿淨可先赴明亮軍營
合力馳擊自必迅速掃蕩就近由楚入陝亦屬
便道若遇西鄉賊匪東竄更可迎頭截剿似屬
兩得應請

旨勅下長齡仍率全師入楚於陝楚軍情兩有裨益
奏入

上命軍機大臣傳諭姜晟倭什布曰此時徐添德大股自南漳折向均殺奔逸明亮設法兜截正在喫緊之際其現有之兵倭什布不令分出帶赴房縣俾明亮得以合力剿辦所見甚是至吉林黑龍江官兵既已全赴楚省其頭起四百五十名倭什布儘可全行帶往截剿由川竄入房縣賊匪此股竄匪或係徐萬富或係苟文明尙未探聽確實但無

論何股賊匪總須剷除淨盡弗令蔓延卽責成倭
什布上緊剷辦且倭什布所帶官兵俱係生力足
資馳擊而李紹祖又已追擊前來正可相度機宜
會合夾攻若能在房縣境內將川匪剷期剪滅卽
屢倭什布之功否則仍將賊匪逼回川省不令深
入楚境倭什布尙屬無功無過尙不能實力剷堵
或任賊匪闖入南漳均穀一帶與徐添德合夥又

致辦理費手或令賊匪向西奔竄由鄖陽一帶逸入陝界則倭什布不能辭罪矣

同日

上諭內閣曰朕恭閱乾隆六年

實錄內欽奉

諭旨制治未亂保邦未危必以風俗人心爲之本人心正則風俗醇而朝廷清明國祚久遠胥由於此

聖諭煌煌實爲萬世治道之準我

皇考承

三朝重熙累洽之後其時海宇安恬綱紀整飭然猶朝
乾夕惕治益求治安益求安而於風俗人心之本

尤三致意焉朕寅紹

丕基勤求治理惟恐弗克仰承

謨烈夙夜滋懼况人心漸不如古風俗日趨日下朕敢

不敬念

先猷亟思化民成俗之道乎夫化民成俗必先使百姓
勿惑於邪同趨於正而後教化可行孔子之教舊
世尊崇此外如釋道之流雖非正教然漢唐至今
未嘗盡行沙汰且其服飾住持自成一類卽有滋
事爲匪者無難立時辨讖若近世所稱白蓮教其
居處衣服與齊民無異卽一家之中同居數人其

習教者與不習教者無由分別地方不肖官吏因有邪教之目輒事查拏往往藉端勒索不問其入教與否惟賄是求甚至有鄉閭椎魯全不識字之人任意妄拏指爲邪教而實係習教傳徒者轉置之不問良莠不分激成事故遂致赤子美兵潢池剿捕頻年迄今未靖其實從前查拏劉松宋之清及劉之協因其潛蓄逆謀並非因習白蓮教之故

昨已將辦理劉之協緣由宣示中外並親製邪教
說一篇申明習教而奉公守法者不必查拏其聚
衆犯法者方行懲辦原以此等愚氓但能安靜循
分卽不必過事苛求初非欲留此白蓮教之名任
蚩蚩者日趨於惑也夫正學昌明則歧途自絕教
化之行必先自上朕勤求治理日有孜孜惟期正
朝廷以正百官正百官以正萬民內外臣工果能

咸體朕意精白乃心大法小廉共襄郵治凡有教化斯民之責者平日實心訓迪默化潛移引之規矩之中而消其暴戾之氣若地方果有不逞之徒或行兇滋事或糾衆抗官原當執法究治又何必問其所習何教耶總之經正則庶民興庶民興斯無邪慝聖心法治法無踰於此朕所由紹

閩衣

德願與大小臣工端木善則共膺斯民於蕩平正直之途也

臣等謹奏正人心以正風俗實爲萬世治道之準惟是承平旣久生齒日繁鄉閭椎魯良莠不齊或爲邪說所簧鼓而地方無良有司潛移而默化之甚至捕擊株連藉端勒索頑梗之徒囂然思逞此次教匪猖亂未必非由

於此仰賴我

皇上德威遠播蕩穢掃氛

賞罪作新

綸言疊沛茲因

恭閱

實錄

聖諭重申

施正學以昌明納斯民於軌物

聖心同揆

皇極用敷時雍於變之風蓋有莫之致而致者矣

二十日

庚午

勒保奏言

臣

於七月二十五日在尖

山子地方與德楞泰分兵之後在營山渠縣一

帶搜捕苟文明夥內敗殘落後賊匪肅清道路

八月初一日馳抵東鄉所有張子聰欲行投首

一節臣前與德榜奏會商先派川東道嚴士銖

赴東鄉查辦茲據該道稟張子聰向與東鄉

民人羅崇龐典相好前曾有信探問招撫之事

羅崇等一面答以屬實並勸令及早出投一面

赴縣將此情由稟知該縣知縣楊世鰲隨令羅

崇等再寫切實書信該令亦發檄諭開導張子

聰等此係

聖主逾格天恩極須趕早投出首夥均可免罪羅崇
等卽令羅芳李如盛賚赴賊營羅芳又約同羅
思秀侯友文羅文開李思舉羅文照羅文魁譙
珊七人同往約會在金峩寺地方等候回信詎
屆期竟不見羅芳等回來七月二十九日只有
李思舉一人逃回據稱連日張子聰與賊目李
德先楊玉貴等商酌彼此意見不合忽於二十

八日賊營首夥羣聚大衆紛鬧將羅芳李如威等八人殺死李思舉乘間逃出張子聰卽率領數百人向太平七里溝去欲找唐大信合夥李德先楊玉貴等率領千餘人向太平西鄉交界之鹽場地方分路竄去李思舉卽行逃回報信是張子聰一皮因首夥不和以致投首之事又復中變今旣將羅崇等遣往寄信之人殺死分

竄自應立時遮剿惟又據該道嚴士鉉稟稱湯
思蛟一股現在東鄉前沙之平頭山地方游奕
亦欲出投有伊姊夫羅德音夫婦二人曾親往
賊營勸說該逆尙心懷疑懼

臣

思如果實有一

股全投妥爲安頓其餘自必聞風就撫隨傳羅
德音到營愷切曉以利害將擒獲劉之協並

賞給庖珍張廷鳳頂戴現奉

恩旨二道敬謹膾黃令羅德音齎往羅德音於初七
日出來據云湯思蛟甚爲興躍因有虔向瑤劉
朝選一股於初五日前來合夥不肯卽投湯思
蛟被其牽制是以尙涉游移初八日卽據探報
該匪等全夥已連夜竄往南壩場伏思賊匪自
知情罪重大原難免疑畏之心但旣屬首鼠兩
端不便因循縱逸自應就近先行剿辦臣現卽

督兵馳往密場場一帶先剿虔向瑤等股賊匪
並令羅德音再赴賊營如果湯思蛟真心欲投
或將虔向瑤等擒獻或卽自行先投已密諭羅
德音與湯思蛟商酌辦理至張子聰一股相距
較遠仍當遵

旨再令虔珍張廷鳳前往招致並查明被害之羅崇
等家屬賞給銀兩以示優恤又龍紹周一股近

來總在西鄉太平邊界游奕並不遠窺聞亦有

觀望欲投之意昨經臣會同德楞泰飭令署太

平縣知縣鍾燾雲令龍紹周之叔龍萬象齎諭

前往尙未回來以目下川省賊情而論震懾兵

威勢甚渙散各股首夥心俱不齊現據各州縣

稟報從賊隊中逃回投首領稟歸業之人絡繹

不絕此正極好機會

臣總以剿爲正辦撫爲保

方並行不悖更可散其黨與速就殄不至七十
五一路官兵追剿樊人傑一股賊匪自大竹桿
子鋪地方得有勝仗此股賊衆所剩不過千人
亡命狂奔輾轉馳逐祇能追及賊尾小有斬獲
七月二十四日在開縣境內分撥兵勇交李紹
祖赴楚之後二十六日探知樊人傑與趙麻花
羅半年合夥向溫湯井一路奔逃二十八日至

柞井壩迎截詎賊衆探知兵來隨即分股折竄
旋據探報後路三墩鋪又有從通江太平竄到
一股賊匪與趙麻花等合夥在三溪溝滋擾賊
勢較重連日大雨賊亦未動初四日稍霽七十
五卽分兵三路由楊家山英家溝雙河口進發
因大雨之後賊匪多有在民戶散處炊爨並到
處掠食一見我兵驟至有持刀矛抵敵者亦有

不及持執器以卽行逃竄者叅領武隆阿首先
箭斃頭戴花翎水晶頂騎馬賊目一名賊衆潰
亂七十五卽督兵分隊追殺三十餘里共殺賊
五百餘名生擒譚世達等二百一十三名次日
搜山又獲男婦一百二十三名口共搶獲賊旗
十八面刀矛鎗礮五百三十七件騾馬八十六
頭匹訊據活賊供稱射死賊目係採馬頭羅成

此夥逆首係王士虎趙麻花羅半年三人王士
虎從太平新來合夥樊人傑因畏懼官兵已從
大寧老林潛匿現在王士虎等三股除殲獲外
尙有二三千人向樊崩店一帶奔竄七十五卽
帶兵追躡前進臣據探報有與虜向瑤等竄合
之勢臣現已知僉七十五偵探賊蹤如果賊匪
業經合夥卽當兩面夾攻以期一舉集事至德

楞泰自抵南江境內將九龍場屯聚賊匪痛加
殲戮現由通江進剿相距較遠是以此次不及
聯銜具奏奏入

上命軍機大臣傳諭勒保曰勒保奏七十五追剿突
人傑一股在三溪溝地方殺賊五百餘名生擒男
婦三百餘名殲斃賊探羅成所辦尙好至勒保剿
辦賊匪總無把握前因教首劉之協業經拏獲正

法諭令各省不必輾轉搜查教匪原指未經謀逆者而言並非於抗拒官兵之教匪概行寬貸爲逆者雖未習教亦不可赦况本係教匪耶至各路軍營既將辦理劉之協緣由遍行曉示或其同教中聞知帶信勸令賊首投出及賊黨有能殲擒首逆獻出者自當貸其一死酌加獎勵並非欲帶兵大員等設法招致也今勒保於張子聰一股由該縣

發給檄諭令民人羅崇等賫赴賊營是竟招之使
來並稱遵旨再令庾珍等前往招撫更無此理其
湯思蛟能紹周二股欲行投出之語亦難盡信總
不應差人賫諭前往招撫試思此等首逆往來竄
擾已閱五年荼毒生靈無數卽痛加剿辦有何足
惜且賊首等自知罪重豈肯輕易投出卽投出者
亦難保其不心懷反側日下功屆垂成自應以剿

爲正辦亦必先剿而後可以言撫示之必克其降
乃固豈有賊匪並未自行來投卽先爲招致示賊
以弱之理况羅芳等前赴賊營張子聰等並不聽
從轉將同往之羅芳等八人殺死此豈肯真心受
撫者耶賊匪等狡猾異常安知非以投首爲名爲
緩兵之計若勒保信以爲然駐兵不動等候差人
往返延緩時日而賊匪轉得乘機遠竄豈非子賊

以暇墮賊奸計乎勒保前此於自行投出之王三
槐並不據實奏明輒稱臨陣拏獲將該犯解京此
時賊黨之懷疑不出未必不由於此此事既往不
咎今勒保總當督率官兵盡力擊捕務於秋冬之
交將各股賊匪全行辦竣不准再令人前往招撫
其湯思蛟龍紹周等股如官兵逼剿緊急賊勢窮
蹙或其夥黨有將賊首殲斃擒獻者勒保自當據

實具奏聽候諭旨辦理不可又如前此將投出之
王三槐作爲拏獲邀功致干重戾此次被害之羅
芳等家屬勒保業經賞給銀兩至羅崇令羅芳等
前赴賊營勸諭亦稍有微勞著勒保傳知羅崇以
伊勸賊投降之事業經奏聞奉有恩旨賞給九品
頂戴如伊願隨營効力卽留營當差若仍願歸農
聽其自行生業其山賊營逃回之李思舉並著勒

保酌賞銀兩以示體恤至七十五追剿禁人傑一
股已獲勝仗當乘賊匪窮竄之時採蹤緊躡與勒
保兩面夾攻尅期剿淨佇膺懋賞其由川竄往湖
北房縣山內之賊聞係苟文明是否確實抑卽係
徐萬富一股著德楞泰等查明具奏前派李經祖
帶兵追剿現於何處趕上賊匪會否剿淨之處並
著一併速奏

二十二日壬申台布奏言石泉竄匪於前月三十

日由七里溝走黑溝水磨溝至石馬鋪一帶江

岸經總兵馬玉魁劉之仁分帶官兵顧住東西

兩路知州李樞煥督飭義勇首武生鄭善禮帶

同鄉勇於蓮花石柳溪石馬鋪大紅石梅湖乾

塘灣梨園灘左溪河各卡嚴密防守典史鍾尙

綱往來江河截留船隻賊匪不能躡渡旬日間

總在附近漢江各處搜山擄掠不時前來江岸
窺伺經兵勇先後擊死騎馬賊匪三名掣獲裹
脅難民二名賊衆奔向梅湖劉之仁移師前往
督率防堵至西鄉境內前月二十八日又有賊
匪一股由四川通江縣之竹峪關翻山而來約
一千餘人本月初三日屯紮小祥壩又有一股
由二郎壩竄至私渡河至距城三十里之白楊

滿焚掠初十日到距城三里之關東山豎立白
旗陸續踵至步賊數百人見城上排列鎗礮河
岸街巷商民俱各鎮靜整備不敢前攻分作兩
股一走洋溪河一走三郎鋪其後股又由西路
走麻柳壩其地可通四川臣查該匪等詭計其
意總在偷渡漢江今沿江防守嚴密石泉地方
現有總兵劉之仁督率照料西鄉則王文雄失

利後無人統率適將軍恒瑞經經畧派來漢南
協剿畧陽一路竄匪此時伍逆等餘匪又已折
入甘境畧陽可以從緩

臣

與面商恒瑞亦以先

顧該處爲是卽同副都統綸布春帶兵前往此
二股賊匪內有賊目唐明萬並羅其清餘黨若
官兵固住漢江之後賊蹤無可容足必仍折回

通江太平

臣

亦諄囑恒瑞劉之仁乘其窮蹙思

通悉力截擊再

臣

查長齡帶領吉林黑龍江兵

一千餘名赴西鄉合剿應需鍋帳等項省局早

經預備惟馬匹先因該官兵應赴經畧大營督

臣長麟於肅州等處派調預備今既前赴西鄉

自應卽在陝省派撥卽於西安滿營挑派五百

匹軍標挑派三百匹撫標挑派二百匹並延綏

鎮標五百匹固原提標六百匹共足二千一百

匹調齊省城加緊餵養以便官兵隨到隨行

台布又奏言查逆匪陳傑一股經額勒登保派
令提督楊遇春等帶兵剿捕將陳傑生擒餘黨
殲盡訊據陳傑供稱尙有周天緒一犯係同時
起事老教已帶四五十人隨冉學勝逃去等語

知會到

臣

當密飭從九品維昂選派能事首領

劉占魁楊春秀酌帶健勇跟蹤晒緝該首領於

初四日探至銀門寺空罐子山見有賊匪十餘人隱匿老林內有一人係大頭目光景該首領等卽禁約各勇不准開鎗但用刀矛直前捉捕賊匪抵死抗拒劉占魁左手被矛傷一處楊春秀右腿被矛傷一處先將餘匪十餘名全行殺斃始將賊目合力擒住訊係名叫周榮乃張漢潮徒弟陳傑之師押解前來臣親提嚴訊該逆

兇狠異常堅稱旣已被擒悉憑處治一無可說
訊以周天緒現往何處據稱我營內並無其人
詰以現有陳傑供明如何抵賴復云我營實在
無周姓或者陳傑因我是他師傅恐官兵拿我
不肯說我真名等供臣查該犯猶敢始終執迷
未便稍稽顯戮審明後卽將該犯綁赴市曹處
割寸磔將首級懸挂示衆男婦大小聚觀者數

千人無不同聲稱快其孥獲該犯之首領劉占
魁楊春秀傷已漸愈臣亦酌加賞賚奏入

上命軍機大臣傳諭恒瑞台布曰陝省石泉竄匪竄
至江岸總兵馬玉魁等同地方官率領兵勇嚴密
防堵賊匪不能躡渡所辦俱屬認真其西鄉境內
據台布奏有賊匪二股又係何處賊匪是否卽係
龍紹周唐大信抑係他股賊匪該處先有綸布春

九十等在彼截擊額勒登保又令恆瑞帶兵到夜
協剿正可併力搜捕若能卽在西鄉地方將竄匪
悉數掃除自當加之恩賞必不得已亦應逼回川
境以便川省大兵截擊斷不可令其偷渡漢江並
東竄楚省邊界鄖陽一帶爲要至所奏挑備馬二
千一百匹此時長齡所帶吉林黑龍江官兵已令
赴楚省協剿但楚匪辦竣後或仍令赴陝協剿此

項馬匹自當好爲餵養以備應用又據奏鄉勇搜
山拏獲首逆一節所辦亦好其擒獲之周榮自卽
係周天緒該犯於詢問時不肯承認顯屬狡供台
布審明後卽將該犯齧割梟示自應如此辦理首
領劉占魁楊春秀因直前捉捕身受矛傷如再能
出力卽可酌賞頂戴以示鼓勵